

續修平山縣志序

天邑之有志所以考政治之得失人材之消長古今之盛衰與
大山川險要風土人情也況平山邊界晉陽爲五代時用武之
地其形勝尤有可紀者乎溯自康熙十一年知縣湯君纂修越
百八十餘年王君子潔始重修之迄今又四十餘年矣其間雖
經唐君蔭桐續修而以迫遽成書多未翔實且所增僅賦役職
官選舉人物藝文等五類其餘如輿地建置學校均未備丁酉
夏熊聃仙太守來權斯邑閱志書至於續編輒病其疏略譌舛
且以二十餘年間閭巷嘉言善行與變遷興廢之故有待於輟

拾者甚夥亟思增輯乃以清庶獄除強暴興保甲勤勞於當務之急未暇及是迨今年春庶政畢舉從政多暇乃踵王志而分類增修至唐志則併爲一書蓋擷其精華棄其糟粕也當是時余遊於此太守輒舉以商榷獨惜余孤陋無所是正未能副太守相屬意然由是得盡識邑之疆域風土山川勝概未始非幸也而軼事舊聞賴以不墜不尤大可幸哉

光緒二十四年歲次戊戌孟夏清苑周煥章謹序

華山縣志於咸豐癸丑歲王君子潔重修悉宗陸清獻公成法
體例頗善嗣於光緒癸亥唐君蔭桐增輯然僅輯田賦官師選
舉人物藝文五門其餘概無增益維時方開局修 畿輔通志

檄府州縣各修志書豈以迫於期會無暇詳攷歟抑以二十餘
年間風土人情典章制度舉無所變更歟雖然唐君續修之日
去今又二十餘年矣官師選舉人物藝文等類應纂入者甚夥
卽制度典章人情風土亦不能無今昔之異也夫天下事當少
有缺失卽求補正則事易舉若因循苟且聽其銷沈至於廢墜

已多始謀興復雖智士恆苦其難至於修志亦然苟不及時修補坐令散軼將年代曠遠有欲述未能者豈非守土之咎乎子於丁酉夏由無極量移至此下車始卽察利弊懲強暴清庶獄興保甲凡當前急務靡不次第舉行今幸已政通人和乃取志書分門增輯舉二千餘年間變遷興廢之故悉著於篇並將唐君續修者合爲一書不復一一識別以省繁文是舉也意在歸於完備非矜詳贍若夫舉舊志而變通盡善以附於著作之林則予謝不敏姑以俟後之君子

光緒二十四年四月

知府用兼襲雲騎尉直隸正定府平山縣知縣鉛山熊壽錢謹
序

以歸簡要

一唐志於田賦額徵數後卽載豁免眉目不清且除糧與豁免並計所載各數亦與奏銷不符茲悉更正

續修平山縣志姓氏

纂修

鹽運使銜補用府候補同知兼襲雲騎尉署正定府平山縣知縣熊壽錢

編輯

保定府縣學生

員周煥章
韓清泰

校對

平山縣學教諭丁鎧

平山縣學訓導孫乃鼎

採訪

六品銜鴻臚寺序

班何鳳三

舉

人何玉如

舉

人王正倫

歲

貢

生李三星

廩

生商佑

庠

生商衍緒

督梓

平山縣洪子店巡檢徐上雲

平山縣典史孫之慶

平山縣續志目錄

卷之一

地里志

分野

山川

古蹟

紀事

物產

卷之二

建置志

城池

公署

學校

壇廟

官舍

關隘

郵政

卷之三

祀典志

秩祀

羣祀

災祥志

卷之四

田賦志

卷之五

官師志

邑令
僚屬
師儒
管汛

卷之六

人物志

仕蹟
列女
孝義

卷之七

選舉志

卷之八

藝文志

卷之末

附錄

平山縣續志卷一

平山縣知縣鉛山熊壽錢增輯

地里志

分野

平山縣北極出地三十八度十六分十三秒 冬至晷影一丈
八尺五寸九分強 夏至晷影二尺六寸五分弱 冬夏至
晝夜長五十八刻十分強短三十七刻五分弱 偏西二度
七分 節氣早八分二十八秒

山川

滹沱河發源山西太原府繁峙縣東流至高峰口入縣西北界

之卧石口

一作惡石口在縣西北一百四十里

有湔湔水流爲陷溢河自西來

入之

一作勿勿水在縣西一百里按山海經石山濩濩之水出焉而東流注於滹沱疑卽此水

又東南有

兩小水來入之

安瀾志以二小水疑卽微河蒲水然微河卽木刀溝已爲滋河所奪蒲水卽蒲吾渠已堙

廢無蹟且此二水在縣西今按舊志有溫泉在縣西四十里又有望樓河在縣西十五里俱入滹沱

又東逕洪

子店朱豪村閭興村大齊村王母村至縣北合河口有桃水

縣曼諸水合爲冶河自西南來注之

古蹟

天長鎮在縣東滹沱河東北唐景福初李克用及義武帥王處

存合兵攻成德帥王鎔拔天長鎮鎔出戰敗克用兵於新市
二年克用復敗成德兵於平山攻天長鎮方輿紀要卽今田營鎮
在康家村北上三汲村南臺址猶存

板山原名榜山其勢自天桂接太行向東而下若奔若赴至村
南結成榜形山上半作泥金色與村北貴人峯相對

丹梯山在祕家會馬蹏崖之左右色紫赤霽雪初融層疊如梯
觀榜山在馬蹏崖之右羣峯峙立如人有所觀之勢

龍吟閣 光緒二年知縣郭奇中知縣唐世祿先後捐資重建

紀事

晉穆帝永和六年趙石閔弑其主鑒而自立改國號魏太宰趙

庶等出奔襄國汝陰王琨奔冀州張沈據滏口

今廣平府
磁州西北楊

羣據桑壁

今縣界

劉國據陽城

今保定府完縣

姚弋仲據潁頭眾各數

萬皆不附閔

五代趙王鎔驕於富貴多事遊嬉又好左道煉丹藥求長生盛

飾館於西山

在縣西南

每往遊之委政於行軍司馬李藹宦者李

宏規石希蒙會鎔自西山鶴營莊

在今縣西

將還府希蒙勸之他

所李宏規怒請誅希蒙鎔不答宏規呼甲士斬希蒙首擲於

鎔前鎔怒遽歸使其子昭祚及養子王德明族宏規收其黨

與窮究反狀親軍皆懼德明因誘以爲亂夜半率親軍千餘人踰城入鎔方與道士焚香受錄軍士斷其首而出因焚宮室盡滅王氏之族德明復姓名曰張文禮遣使告亂於晉王方作樂聞之投杯悲泣欲討之僚佐以爲方與梁爭不可更立敵晉王不得已承制授文禮留後

物產

意苡仁

